

Službene novine Federacije BiH, broj 75/20

Na osnovu člana 153. stav (2), člana 155. stav (2), člana 157. stav (3) Zakona o zdravstvenoj zaštiti ("Službene novine Federacije BiH", br. 46/10 i 75/13), federalni ministar zdravstva donosi

PRAVILNIK

O SPECIJALIZACIJAMA I SUBSPECIJALIZACIJAMA ZDRAVSTVENIH RADNIKA I ZDRAVSTVENIH SARADNIKA

I. - OSNOVNE ODREDBE

Član 1. (Predmet pravilnika)

(1) Ovim pravilnikom utvrđuju se grane, trajanje, plan i program specijalizacija i subspecijalizacija za zdravstvene radnike i zdravstvene saradnike; uvjeti za zdravstvene ustanove i fakultete zdravstvenog usmjerenja u kojima se obavlja specijalizantski, odnosno subspecijalizantski staž, kao i postupak njihove verifikacije; kriteriji za prijem specijalizanata, odnosno subspecijalizanata; način obavljanja specijalizantskog, odnosno subspecijalizantskog staža; uvjeti za obavljanje specijalizantskog, odnosno subspecijalizantskog staža u inostranstvu; polaganje specijalističkog, odnosno subspecijalističkog ispita; kao i troškovi obavljanja i polaganja specijalizantskog, odnosno subspecijalizantskog staža.(2) Zdravstveni radnici iz stava (1) ovog člana su doktori medicine, doktori stomatologije, magistri farmacije i inženjeri medicinske biohemije sa završenim drugim ciklusom VSS.(3) Zdravstveni saradnici iz stava (1) ovog člana su:a) psiholozi sa završenom VSS (VII stepen), odnosno sa završenim drugim ciklusom bolonjskog sistema obrazovanja;b) inženjeri fizike sa završenom VSS (VII stepen), odnosno sa završenim drugim ciklusom bolonjskog sistema obrazovanja;c) elektroinženjeri sa završenom VSS (VII stepen), odnosno sa završenim drugim ciklusom bolonjskog sistema obrazovanja.

Član 2. (Plan i program specijalizacija i subspecijalizacija)

(1) Zdravstveni radnici iz stava (2) člana 1. ovog pravilnika mogu se stručno usavršavati u obliku specijalizacije i subspecijalizacije.(2) Zdravstveni saradnici iz stava (3) člana 1. ovog pravilnika mogu se stručno usavršavati u obliku specijalizacije.(3) Specijalizacija i subspecijalizacija je organizirani oblik sticanja teoretskih i praktičnih stručnih znanja i naučnih saznanja prema propisanom programu.(4) Plan i program specijalizacija za zdravstvene radnike, kao i njihovo trajanje nalazi se u prilogu ovog pravilnika i čini njegov sastavni dio (**Prilog 1.**).(5) Plan i program subspecijalizacija za zdravstvene radnike, kao i njihovo trajanje

nalazi se u prilogu ovog pravilnika i čini njegov sastavni dio (**Prilog 2.**).(6) Plan i program specijalizacija za zdravstvene saradnike, kao i njihovo trajanje nalazi se u prilogu ovog pravilnika i čini njegov sastavni dio (**Prilog 3.**).

II. - UVJETI ZA ZDRAVSTVENE USTANOVE I FAKULTETE ZDRAVSTVENOG USMJERENJA U KOJIMA SE OBAVLJA SPECIJALIZANTSKI, ODNOSNO SUBSPECIJALIZANTSKI STAŽ I POSTUPAK NJIHOVE VERIFIKACIJE

Član 3.

(Uvjeti za zdravstvene ustanove i fakultete zdravstvenog usmjerenja za obavljanje specijalizantskog, odnosno subspecijalizantskog staža za zdravstvene radnike)

(1) Cjeloviti program specijalizantskog, odnosno subspecijalizantskog staža za zdravstvene radnike obavlja se u zdravstvenim ustanovama i fakultetima zdravstvenog usmjerenja koji, u pogledu prostora, opreme i kadra, udovoljavaju sljedećim uvjetima:a) da se u njima obavljaju stručni poslovi predviđeni planom i programom određene specijalizacije, odnosno subspecijalizacije,b) da imaju odgovarajući prostor i opremu,c) da imaju u stalnom radnom odnosu najmanje dva specijalista, odnosno subspecijalista sa najmanje pet godina specijalističkog, odnosno subspecijalističkog staža za granu specijalizacije, odnosno subspecijalizacije u kojoj se specijalizant, odnosno subspecijalizant usavršava,d) da imaju u stalnom radnom odnosu najmanje jednog specijalistu, odnosno subspecijalistu koji ispunjava uvjete za glavnog mentora za onu granu specijalizacije, odnosno subspecijalizacije za koju se traži ovlaštenje,e) da imaju bibliotekarsko-informatičku podršku saglasno savremenim zahtjevima medicinske, stomatološke, farmaceutske, odnosno medicinsko-biohemijske struke kojom se omogućava pristup odgovarajućoj domaćoj i stranoj stručnoj literaturi, te prostor i opremu za praktično učenje laboratorijskih tehnika,f) da imaju organizirane aktivnosti u oblasti praćenja kvaliteta specijalizantskog, odnosno subspecijalizantskog staža.(2) Ukoliko se u zdravstvenoj ustanovi obavlja dio programa specijalizantskog, odnosno subspecijalizantskog staža primjenjuju se uvjeti iz tač. a), b), e) i f), a u pogledu uvjeta kadra zdravstvena ustanova mora da ima u stalnom radnom odnosu najmanje jednog specijalistu sa pet godina specijalističkog staža, odnosno subspecijalistu sa tri godine godine subspecijalističkog staža za onu granu specijalizacije, odnosno subspecijalizacije za koju se traži ovlaštenje.(3) Pored uvjeta iz stava (1) ovog člana zdravstvene ustanove i fakulteti zdravstvenog usmjerenja moraju ispunjavati i posebne uvjete ako su propisani u planovima i programima specijalizacija, odnosno subspecijalizacija utvrđenih ovim pravilnikom.(4) Izuzetno od stava (1) ovog člana, dio programa specijalizantskog, odnosno subspecijalizantskog staža za magistre farmacije može se obavljati i u farmaceutskoj industriji, prehrambenoj industriji, laboratorijama za ispitivanje lijekova pri agencijama za lijekove i medicinska sredstva, laboratorijama za ispitivanje kvaliteta hrane pri agencijama za sigurnost hrane, laboratorijama za ispitivanje vode i dr.(5) Farmaceutska i prehrambena industrija, kao i laboratorije iz stava (4) ovog člana moraju ispunjavati uvjete propisane stavom (1) ovog člana, izuzev uvjeta navedenih u tač. c) i d) stava (1) ovog člana.(6) U pogledu uvjeta kadra, farmaceutska i prehrambena industrija, kao i laboratorije iz stava (4) ovog člana moraju imati u stalnom radnom odnosu jednog specijalistu, odnosno subspecijalistu, sa najmanje pet godina specijalističkog, odnosno subspecijalističkog staža za granu specijalizacije, odnosno subspecijalizacije u kojoj se specijalizant usavršava, kao i odgovarajući visokoobrazovni kadar iz oblasti tehnologije, hemije, informatike i drugih srodnih zanimanja.

Član 4.

(Uvjeti prostora, opreme i kadra za zdravstvene ustanove)

za obavljanje specijalizantskog staža za zdravstvene saradnike)(1) Cjeloviti ili dio programa specijalizacije za zdravstvene saradnike obavlja se u zdravstvenim ustanovama koje u pogledu prostora, opreme i kadra, ispunjavaju sljedeće uvjete:a) da se u njima obavljaju stručni poslovi predviđeni programom specijalizacije,b) da imaju odgovarajući prostor i opremu,c) da u njima rade najmanje jedan specijalista u radnom odnosu s punim radnim vremenom od kojih jedan ima najmanje pet godina specijalističkog staža na poslovima za specijalizacije za koju se specijalizant usavršava,d) da imaju u stalnom radnom odnosu najmanje jednog specijalistu, koji ispunjava uvjete za glavnog mentora za onu granu specijalizacije za koju se traži ovlaštenje,e) da imaju bibliotekarsko-informatičku potporu u skladu sa savremenim zahtjevima specijalističkog staža za granu specijalizacije za koju se specijalizant usavršava,f) da imaju organizirane aktivnosti u oblasti praćenja kvalitete specijalizacije, ig) da imaju primjereno pomoćno nenastavno i administrativno osoblje.(2) Pored uvjeta iz stava (1) ovog člana zdravstvene ustanove moraju ispunjavati i posebne uvjete ako su propisani u planovima i programima specijalizacija utvrđenih ovim pravilnikom.

Član 5.

(Glavni mentor i komentor)

(1) Glavni mentor mora biti uposlenik zdravstvene ustanove, odnosno fakulteta zdravstvenog usmjerenja kojem je dato odobrenje za obavljanje cjelovitog specijalizantskog, odnosno subspecijalizantskog staža u smislu člana 9. stav (1) ovog pravilnika.(2) Glavni mentor za obavljanje specijalističkog, odnosno subspecijalističkog staža za zdravstvene radnike, mora imati najmanje deset godina specijalističkog, odnosno pet godina subspecijalističkog staža za onu granu specijalizacije, odnosno subspecijalizacije u kojoj se specijalizant usavršava, te da ima nastavno zvanje ili zvanje magistra nauka ili doktora nauka.(3) Glavni mentor za obavljanje specijalističkog staža za zdravstvene saradnike mora biti stručnjak za granu specijalizacije za koju se specijalizant usavršava, sa najmanje pet godina specijalističkog staža, te da ima nastavno zvanje ili zvanje magistra nauka ili doktora nauka.(4) Komentor za obavljanje specijalističkog, odnosno subspecijalističkog staža za zdravstvene radnike, mora imati najmanje pet godina specijalističkog, odnosno subspecijalističkog staža iz one grane specijalizacije, odnosno subspecijalizacije iz koje se izvodi dio programa specijalizantskog, odnosno subspecijalizantskog usavršavanja.(5) Komentor za obavljanje specijalističkog staža za zdravstvene saradnike mora imati najmanje tri godine specijalističkog staža iz one grane specijalizacije iz koje se izvodi dio programa specijalizantskog usavršavanja.(6) Na prijedlog nastavnih zdravstvenih ustanova tipa univerzitetsko-kliničkih bolnica, odnosno fakulteta zdravstvenog usmjerenja i zdravstvenih ustanova kojima je dato odobrenje za obavljanje specijalizantskog, odnosno subspecijalizantskog staža u smislu člana 9. stav (1) ovog pravilnika, federalni ministar zdravstva (u daljem tekstu: ministar) rješenjima utvrđuje liste glavnih mentora i komentora i to posebno za zdravstvene radnike i posebno za zdravstvene saradnike.(7) Izuzetno od stava (6) ovog člana, na prijedlog nastavnih zavoda i nastavnih zdravstvenih ustanova iz člana 110. stav (3) Zakona o zdravstvenoj zaštiti ("Službene novine Federacije BiH", br. 46/10 i 75/13 - u daljem tekstu: Zakon), kojima je dato odobrenje za obavljanje specijalizantskog, odnosno subspecijalizantskog staža u smislu člana 9. stav (1) ovog pravilnika, ministar rješenjima utvrđuje liste glavnih mentora i komentora za specijalizacije, odnosno subspecijalizacije za zdravstvene radnike primarnog nivoa zdravstvene zaštite.(8) Liste glavnih mentora i komentora iz st. (6) i (7) ovog člana utvrđuju se sa rokom važenja od dvije godine i objavljuju se na internet stranici Federalnog ministarstva zdravstva (u daljem tekstu: Ministarstvo).

Član 6.

(Obaveze i odgovornosti glavnog mentora i komentora)

(1) Glavni mentor je odgovoran za propisano provođenje cjelokupnog plana i programa specijalizantskog, odnosno subspecijalizantskog staža u cijelosti, saradnju sa komentorom, praćenje napretka specijalizanta, provjeravanje znanja specijalizanta najmanje dva puta godišnje putem provjere znanja i vještina, te tačnost

podataka u specijalističkoj, odnosno subspecijalističkoj knjižici. Glavni mentor za svoj rad odgovara direktoru ustanove, odnosno dekanu fakulteta koji ga imenuje.(2) Glavni mentor obavezan je obavljati poslove utvrđene ovim članom najmanje dva sata sedmično sa svakim specijalizantom, odnosno subspecijalizantom.(3) Komentor je odgovoran za propisano provođenje dijela programa specijalizantskog, odnosno subspecijalizantskog staža za koji je imenovan i kontinuirano je angažiran u radu sa svakim specijalizantom, odnosno subspecijalizantom. Komentor za svoj rad odgovara glavnom mentoru i direktoru ustanove, odnosno dekanu fakulteta koji ga imenuje.

Član 7.

(Ovlašćivanje zdravstvenih ustanova i fakulteta zdravstvenog usmjerenja)

(1) Utvrđivanje ispunjenosti uvjeta prostora, opreme i kadra za obavljanje cjelovitog programa ili dijela programa specijalizantskog, odnosno subspecijalizantskog staža kod zdravstvenih ustanova, odnosno fakulteta zdravstvenog usmjerenja iz čl. 3. i 4. ovog pravilnika, obavlja Ministarstvo, saglasno odredbama ovog pravilnika i Zakona.(2) Zahtjev za utvrđivanje ispunjenosti uvjeta iz stava (1) ovog člana podnosi zdravstvena ustanova, odnosno fakultet zdravstvenog usmjerenja.(3) Uz zahtjev iz stava (2) ovog člana prilaže se:a) rješenje o registraciji ustanove izdato od nadležnog općinskog suda,b) rješenje nadležnog ministarstva zdravstva o odobravanju obavljanja pojedinih djelatnosti,c) prijedlog grana specijalizacije, odnosno subspecijalizacije ili dijelova specijalizacije, odnosno subspecijalizacije, a koji će se u toj ustanovi izvoditi,d) spisak stručnog kadra sa urednom ličnom dokumentacijom uposlenika koji su u stalnom radnom odnosu, a koji ispunjavaju uvjete za glavnog mentora i komentora,e) dokaz o ispunjenosti posebnih uvjeta propisanih u planovima i programima specijalizacija, odnosno subspecijalizacija utvrđenih ovim pravilnikom, a u skladu sa stavom (3) člana 3. i stavom (2) člana 4. ovog pravilnika,f) potpisana i ovjerena izjava od strane odgovorne osobe podnositelja zahtjeva da odgovara za istinitost i tačnost podnijete dokumentacije,g) dokaz o uplati federalne takse,h) dokaz o uplati naknade za rad stručne komisije.(4) Odredbe ovog člana shodno se primjenjuju i na utvrđivanje ispunjenosti uvjeta prostora, opreme i kadra za obavljanje dijela programa specijalizantskog, odnosno subspecijalizantskog staža za magistre farmacije u farmaceutske i prehrambene industriji, kao i laboratorijama iz člana 3. stav (4) ovog pravilnika.(5) Farmaceutska i prehrambena industrija, kao i laboratorije iz člana 3. stav (4) ovog pravilnika, prilikom podnošenja zahtjeva iz stava (3) ovog člana ne podnose dokumentaciju iz tač. d) i e) stava (3) istog člana, već spisak stručnog kadra sa urednom ličnom dokumentacijom uposlenika koji su u stalnom radnom odnosu, a u zvanju su specijaliste, odnosno subspecijaliste, sa najmanje pet godina specijalističkog, odnosno subspecijalističkog staža za granu specijalizacije, odnosno subspecijalizacije za koju ustanova kandidira obavljanje specijalizantskog, odnosno subspecijalizantskog staža, kao i odgovarajućeg visokoobrazovnog kadra iz oblasti tehnologije, hemije, informatike i drugih srodnih zanimanja.

Član 8.

(Stručna komisija za ocjenu ispunjenosti uvjeta)

(1) Po prijemu uredno dokumentiranog zahtjeva iz člana 7. ovog pravilnika, ministar imenuje stručnu komisiju od najmanje tri člana, sa zadatkom da utvrdi ispunjenost uvjeta prostora, opreme i kadra za izdavanje odobrenja za obavljanje cjelovitog programa ili dijela programa specijalizantskog, odnosno subspecijalizantskog staža.(2) Stručna komisija iz stava (1) ovog člana sačinjava zapisnik o pregledu dokumentiranog zahtjeva sa prijedlogom ministru o izdavanju odobrenja za obavljanje cjelovitog programa ili dijela programa specijalizantskog, odnosno subspecijalizantskog staža, odnosno sa prijedlogom o odbijanju podnesenog zahtjeva kao neosnovanog.(3) Podnositelj zahtjeva odgovara za istinitost i tačnost podataka dostavljenih Ministarstvu.

Član 9.

(Odobranje obavljanja cjelovitog programa ili dijela programa specijalizantskog, odnosno subspecijalizantskog staža)(1) Na osnovu podnijetog dokumentiranog zahtjeva, a po provedenom postupku utvrđenom članom 8. ovog pravilnika, ministar donosi rješenje kojim odobrava zdravstvenoj ustanovi, odnosno fakultetu zdravstvenog usmjerenja obavljanje cjelovitog programa ili dijela programa specijalizantskog, odnosno subspecijalizantskog staža ili rješenje kojim se zahtjev odbija kao neosnovan.(2) Rješenje donijeto u smislu stava (1) ovog člana je konačno u upravnom postupku i protiv istog se može pokrenuti upravni spor saglasno propisima o upravnim sporovima.(3) Ukoliko je rješenje iz stava (1) ovog člana pozitivno upisuje se u registar zdravstvenih ustanova i fakulteta zdravstvenog usmjerenja u kojima se može obavljati specijalistički, odnosno subspecijalistički staž, a koji se vodi u Ministarstvu.(4) Odredbe ovog člana shodno se primjenjuju i na farmaceutsku i prehrambenu industriju, kao i laboratorije iz člana 3. stav (4) ovog pravilnika.

Član 10.

(Obavijest o promjenama)

(1) Ako tokom izvođenja programa specijalizantskog, odnosno subspecijalizantskog staža nastanu promjene u vezi ispunjavanja uvjeta na osnovu kojih je izdato rješenje o odobrenju obavljanja cjelovitog programa, odnosno dijela programa specijalizantskog, odnosno subspecijalizantskog staža iz člana 9. stav (1) ovog pravilnika, direktor zdravstvene ustanove, odnosno dekan fakulteta zdravstvenog usmjerenja, obavezan je o navedenim promjenama obavijestiti Ministarstvo, i to u roku od 30 dana od dana nastupanja promjene.(2) U slučaju iz stava (1) ovog člana, zdravstvenoj ustanovi, odnosno fakultetu zdravstvenog usmjerenja koji više ne ispunjava uvjete iz čl. 3. i 4. ovoga pravilnika, ministar donosi rješenje kojim se oduzima odobrenje za obavljanje cjelovitog programa ili dijela programa specijalizantskog, odnosno subspecijalizantskog staža iz određene grane specijalizacije, odnosno subspecijalizacije koji se u toj ustanovi izvodi.(3) Rješenje iz stava (2) ovog člana je konačno u upravnom postupku i protiv istog se može pokrenuti upravni spor kod nadležnog suda, saglasno propisima o upravnim sporovima.(4) Odredbe ovog člana shodno se primjenjuju i na farmaceutsku i prehrambenu industriju, kao i laboratorije iz člana 3. stav (4) ovog pravilnika.

III. – KRITERIJI ZA PRJEM SPECIJALIZANATA, ODNOSNO SUBSPECIJALIZANATA Odjeljak A. – Godišnji plan specijalizacija, odnosno subspecijalizacija i kriteriji za odobranje specijalizacija, odnosno subspecijalizacija

Član 11.

(Godišnji plan specijalizacija, odnosno subspecijalizacija)

(1) Specijalizacija, odnosno subspecijalizacija može se odobriti na osnovu godišnjeg plana potrebnih specijalizacija i subspecijalizacija koji utvrđuje Ministarstvo na prijedlog kantonalnih ministarstava zdravstva u smislu člana 154. st. (3) i (5) Zakona.(2) Prijedlog godišnjeg plana potrebnih specijalizacija i subspecijalizacija kantonalno ministarstvo zdravstva utvrđuje na osnovu potreba zdravstvenih ustanova i privatnih praksi sa područja kantona, a u skladu sa djelatnošću koju obavljaju i uz prethodno mišljenje nadležnog zavoda za javno zdravstvo i zavoda zdravstvenog osiguranja.(3) Konačan prijedlog godišnjeg plana iz stava (2) ovog člana, kantonalno ministarstvo zdravstva dostavlja Ministarstvu do kraja mjeseca septembra tekuće godine, za narednu godinu.(4) Ministarstvo utvrđuje godišnji plan potrebnih

specijalizacija i subspecijalizacija za područja kantona do kraja mjeseca decembra tekuće godine, za narednu godinu.(5) Godišnji planovi potrebnih specijalizacija i subspecijalizacija, nakon donošenja, odmah se dostavljaju putem pošte nadležnim kantonalnim ministarstvima zdravstva, radi realizacije.(6) Izuzetno od stava (1) ovog člana, a saglasno članu 154. stav (2) Zakona, bez godišnjeg plana specijalizacija, odobrenje za specijalizaciju i subspecijalizaciju može se izdati zdravstvenom radniku i zdravstvenom saradniku, a za potrebe nadležnog ministarstva zdravstva, državnog, odnosno federalnog ministarstva, organa državne ili federalne uprave, fakulteta zdravstvenog usmjerenja, pravnih lica koja obavljaju naučno-istraživačku djelatnost, pravnih lica koja obavljaju proizvodnju i promet lijekova i medicinskih sredstava, kao i zavoda zdravstvenog osiguranja. Zahtjev za odobrenje specijalizacije, odnosno subspecijalizacije po ovom osnovu podrazumijeva dostavljanje obrazloženja potrebe za specijalizacijom, odnosno subspecijalizacijom, kao i opisa jasne veze predložene specijalizacije, odnosno subspecijalizacije sa djelatnošću podnositelja zahtjeva.

Član 12.

(Odobrovanje specijalizacije, odnosno subspecijalizacije)

(1) Specijalizacija, odnosno subspecijalizacija se može odobriti zdravstvenom radniku koji ima najmanje godinu dana radnog iskustva u struci nakon položenog stručnog ispita.(2) Specijalizacija se može odobriti zdravstvenom saradniku koji ima najmanje godinu dana radnog iskustva u struci, u zdravstvenoj ustanovi, odnosno privatnoj praksi i položen stručni ispit, koji organizira zdravstvena ustanova.(3) Specijalizacija, odnosno subspecijalizacija se može odobriti zdravstvenom radniku, odnosno specijalizacija zdravstvenom saradniku, koji ispunjava uvjete iz st. (1) i (2) ovog člana, a koji je u radnom odnosu u nadležnom ministarstvu zdravstva, državnom, odnosno federalnom ministarstvu, organu državne ili federalne uprave, fakultetu zdravstvenog usmjerenja, pravnom licu koje obavlja naučno-istraživačku djelatnost, pravnom licu koje obavlja proizvodnju i promet lijekova i medicinskih sredstava, kao i zavodu zdravstvenog osiguranja.

Član 13.

(Izbor kandidata za specijalizaciju, odnosno subspecijalizaciju)

(1) Izbor kandidata za specijalizaciju obavlja zdravstvena ustanova, privatna praksa, nadležno ministarstvo zdravstva, državno, odnosno federalno ministarstvo, organ državne ili federalne uprave, fakultet zdravstvenog usmjerenja, pravno lice koje obavlja naučno-istraživačku djelatnost, pravno lice koje obavlja proizvodnju i promet lijekova i medicinskih sredstava, kao i zavod zdravstvenog osiguranja na osnovu oglasa objavljenog u sredstvima javnog informiranja.(2) Izbor kandidata za subspecijalizaciju, subjekti iz stava (1) ovog člana obavljaju na osnovu internog oglasa.

Odjeljak B. - Postupak odobrovanja specijalizacije, odnosno subspecijalizacije

Član 14.

(Zahtjev za odobrenje specijalizacije, odnosno subspecijalizacije)

(1) Zahtjev za odobrenje specijalizacije, odnosno subspecijalizacije Ministarstvu podnosi zdravstvena ustanova, odnosno privatna praksa zajedno sa ličnim zahtjevom zdravstvenog radnika, odnosno zdravstvenog saradnika iz st. (2) i (3) člana 1. ovog pravilnika.(2) Zahtjev za odobrenje specijalizacije, odnosno subspecijalizacije Ministarstvu može podnijeti i nadležno ministarstvo zdravstva, državno, odnosno federalno ministarstvo, organ državne ili federalne uprave, fakultet zdravstvenog usmjerenja, pravno lice koje obavlja naučno-istraživačku djelatnost, pravno lice koje obavlja proizvodnju i promet lijekova i medicinskih sredstava, kao i zavod zdravstvenog osiguranja kod kojeg je uposlen zdravstveni

radnik, odnosno zdravstveni saradnik iz stava (1) ovog člana.(3) Uz zahtjev iz st. (1) i (2) ovog člana podnosi se sljedeća dokumentacija:a) pravosnažna odluka o dodjeli specijalizacije, odnosno subspecijalizacije kandidatu,b) dokaz o provedenom javnom oglasu kod dodjele specijalizacije,c) dokaz o provedenom internom oglasu kod dodjele subspecijalizacije,d) diploma o završenom fakultetu,e) uvjerenje o položenom stručnom ispitu izdato od Ministarstva, odnosno za zdravstvene saradnike iz stava (2) člana 12. ovog pravilnika uvjerenje o položenom stručnom ispitu izdato od zdravstvene ustanove,f) uvjerenje o položenom specijalističkom ispitu osnovne specijalizacije - uz zahtjev za odobrenje subspecijalizacije,g) potvrda o radnom iskustvu od najmanje godinu dana, a u skladu sa st. (1) i (2) člana 12. ovog pravilnika,h) očitovanje podnositelja zahtjeva o zdravstvenoj ustanovi, odnosno fakultetu u kojima se planira obaviti specijalizantski, odnosno subspecijalizantski staž.(4) Na osnovu podnijetog dokumentiranog zahtjeva iz stava (3) ovog člana, a po provedenom postupku, ministar donosi rješenje kojim odobrava specijalizaciju, odnosno subspecijalizaciju ili rješenje kojim se zahtjev odbija kao neosnovan.(5) Rješenje donijeto u smislu stava (4) ovog člana je konačno u upravnom postupku i protiv istog se može pokrenuti upravni spor saglasno propisima o upravnim sporovima.

Član 15.

(Zaključivanje ugovora o radu za period trajanja specijalizacije, odnosno subspecijalizacije)

(1) Zdravstveni radnik, kao i zdravstveni saradnik kojem je rješenjem ministra odobrena specijalizacija, odnosno subspecijalizacija u smislu člana 14. stav (4) ovog pravilnika, a koji je u radnom odnosu u zdravstvenoj ustanovi i ima važeći ugovor o radu zaključuje aneks ugovora o radu kojim se regulira obavljanje specijalističkog, odnosno subspecijalističkog staža za period trajanja specijalizacije, odnosno subspecijalizacije, kao i međusobna prava i obaveze.(2) Zdravstveni radnik, kao i zdravstveni saradnik kojem je rješenjem ministra odobrena specijalizacija, odnosno subspecijalizacija u smislu člana 14. stav (4) ovog pravilnika, a koji nije u radnom odnosu u zdravstvenoj ustanovi, odnosno privatnoj praksi, zaključuje ugovor o radu sa zdravstvenom ustanovom, odnosno privatnom praksom za period trajanja specijalizacije, odnosno subspecijalizacije.

IV. - NAČIN OBAVLJANJA SPECIJALIZANTSKOG, ODNOSNO SUBSPECIJALIZANTSKOG STAŽA

Član 16.

(Utvrđivanje broja specijalizanata, odnosno subspecijalizanata)

koji se primaju na specijalizaciju, odnosno subspecijalizaciju)Ovlaštene zdravstvene ustanove i fakulteti zdravstvenog usmjerenja za obavljanje specijalizantskog, odnosno subspecijalizantskog staža iz čl. 3. i 4. ovog pravilnika, svojim općim aktima propisuju koliki broj specijalizanata, odnosno subspecijalizanata mogu istovremeno primati na specijalizaciju, odnosno subspecijalizaciju.

Član 17.

(Početak obavljanja specijalizantskog, odnosno subspecijalizantskog staža)

(1) Ovlaštena ustanova u kojoj se obavlja specijalizantski, odnosno subspecijalizantski staž imenuje glavnog mentora i komentora sa listi iz st. (6) i (7) člana 5. ovog pravilnika za svakog pojedinačnog specijalizanta, odnosno subspecijalizanta.(2) Specijalizant, odnosno subspecijalizant započinje sa obavljanjem specijalizantskog, odnosno subspecijalizantskog staža u roku od 30 dana od dana prijema rješenja o odobrenju specijalizacije, odnosno subspecijalizacije.(3) Vrijeme provedeno na poslovima i zadacima koji su predviđeni programom specijalizantskog, odnosno subspecijalizantskog staža, prije izdavanja rješenja o odobrenju specijalizacije, odnosno subspecijalizacije ne može se priznati u

specijalizantski, odnosno subspecijalizantski staž.(4) Izuzetno od stava (3) ovog člana zdravstvenom radniku koji ima jednu godinu radnog staža u struci nakon položenog stručnog ispita, koji je radio na poslovima i zadacima koji su predviđeni programom specijalizantskog staža prije izdavanja rješenja o odobrenju specijalizacije, može se priznati u specijalizantski staž najviše šest mjeseci, ukoliko:- specijalizacija traje duže od četiri godine,- za specijalizaciju iz epidemiologije,- zdravstvena ustanova u kojoj je proveo na radu određeno vreme prije odobrenja specijalizacije ispunjava uvjete iz člana 3. ovog pravilnika,- stručno-medicinski postupci i sadržaj zdravstvene zaštite koje je obavljao u zdravstvenoj ustanovi su podudarni sa sadržajem i postupcima predviđenim programom specijalizacije i mišljenjem glavnog mentora koje se izdaje na obrascu koji se nalazi u prilogu ovog pravilnika i čini njegov sastavni dio (**Prilog 4.**).(5) Zahtjev za priznavanje staža iz stava (4) ovog člana podnosi Ministarstvu zdravstvena ustanova za koju zdravstveni radnik specijalizira, i to u roku od najmanje mjesec dana prije podnošenja zahtjeva za polaganje specijalističkog ispita.(6) Uz zahtjev iz stava (4) ovog člana se prilaže dokaz da zdravstvena ustanova u kojoj je specijalizant proveo na radu određeno vrijeme prije odobrenja specijalizacije ispunjava uvjete iz člana 3. ovog pravilnika i popunjen obrazac iz stava (4) alineja četiri ovog člana.(7) Ministar donosi rješenje o priznavanju staža iz stava (4) ovog člana, odnosno rješenje o odbijanju zahtjeva ukoliko nisu ispunjeni propisani uvjeti.(8) Ukoliko je rješenjem iz stava (7) ovog člana priznat staž, obrazac iz stava (4) alineja četiri ovog člana postaje sastavni dio specijalističke knjižice.(9) Rješenje iz stava (7) ovog člana je konačno u upravnom postupku.

Član 18.

(Obavljanje specijalizantskog, odnosno subspecijalizantskog staža)

(1) Obavljanje specijalizantskog, odnosno subspecijalizantskog staža uključuje lično sudjelovanje specijalizanta, odnosno subspecijalizanta u djelatnostima i odgovornostima koje proizlaze iz programa specijalizacije, odnosno subspecijalizacije.(2) U smislu stava (1) ovog člana specijalizacija, odnosno subspecijalizacija se odvija s punom satnicom u ovlaštenim zdravstvenim ustanovama i drugim subjektima u skladu s ovim pravilnikom, a obuhvata sudjelovanje u punom obimu djelatnosti odjela na kojem se staž odvija, uključujući dežurstva koja se obavljaju pod nadzorom specijaliste, na način da specijalizant, odnosno subspecijalizant posvećuje sve svoje profesionalne djelatnosti svojoj praktičnoj i teoretskoj izobrazbi tokom cijele radne sedmice i čitave godine.(3) U roku iz stava (2) člana 17. ovog pravilnika, glavni mentor je obavezan izraditi raspored obavljanja propisanog programa specijalizantskog, odnosno subspecijalizantskog staža, dogovoriti obavljanje specijalizantskog, odnosno subspecijalizantskog staža u ovlaštenim zdravstvenim ustanovama, odnosno fakultetima iz čl. 3. i 4. ovog pravilnika, te utvrditi dan početka specijalizacije, odnosno subspecijalizacije.(4) Dio programa specijalizacije koji je zajednički za sve specijalističke programe mora sadržavati teoretsku nastavu iz oblasti: poznavanje organizacije zdravstva; upravljanje zdravstvenim sistemom, te etika i propisi iz oblasti zdravstva.

Član 19.

(Prekid staža)

(1) Specijalizant, odnosno subspecijalizant provodi program specijalizacije, odnosno subspecijalizacije, u pravilu, bez prekida.(2) Izuzetno od stava (1) ovog člana, specijalizantu, odnosno subspecijalizantu se može odobriti prekid staža u slučajevima stručnog ili naučnog usavršavanja u inostranstvu u kontinuiranom trajanju dužem od 30 dana, porodijskog odsustva, komplikacije u trudnoći, bolesti kod kojih liječenje traje duže od 30 dana, te pritvoru dužem od 30 dana.(3) O svakom prekidu u toku trajanja specijalizantskog, odnosno subspecijalističkog staža, podnositelj zahtjeva za odobrenje specijalizacije, odnosno subspecijalizacije iz člana 14. ovog pravilnika, obavezan je obavijestiti glavnog mentora i dokumentirati razloge prekida.(4) Prijedlog za prekid specijalizantskog, odnosno subspecijalističkog staža podnositelj zahtjeva za odobrenje specijalizacije, odnosno subspecijalizacije iz člana 14. ovog pravilnika

podnosi Ministarstvu neposredno nakon završetka razloga koji su doveli do prekida.(5) Uz prijedlog iz stava (4) ovog člana potrebno je dostaviti dokaze o razlogu prekida specijalizantskog, odnosno subspecijalizantskog staža.(6) Ako je prekid opravdan, ministar donosi rješenje kojim se odobrava prekid specijalizacije, odnosno subspecijalizacije i naznačava se produžavanje specijalizacije, odnosno subspecijalizacije za vrijeme za koje je prekid trajao ili rješenje kojim se odbija zahtjev kao neosnovan.(7) Rješenje iz stava (6) ovog člana je konačno u upravnom postupku i protiv istog se može pokrenuti upravni spor kod nadležnog suda, saglasno propisima o upravnim sporovima.

Član 20.

(Pravo na godišnji odmor)

(1) Specijalizant, odnosno subspecijalizant ima pravo na godišnji odmor tokom kalendarske godine, u trajanju utvrđenom propisima o radu, a koji je propisan planom i programom specijalizacije, odnosno subspecijalizacije.(2) Godišnji odmor iz stava (1) ovog člana ne smatra se prekidom specijalizantskog, odnosno subspecijalizantskog staža utvrđenog članom 19. ovog pravilnika.

Član 21.

(Izvršavanje obaveza iz programa specijalizantskog, odnosno subspecijalizantskog staža)

(1) Ako glavni mentor tokom mentorstva utvrdi da specijalizant, odnosno subspecijalizant ne izvršava obaveze iz programa specijalizantskog, odnosno subspecijalizantskog staža ili nema sklonosti prema specijalizaciji, odnosno subspecijalizaciji za koju se usavršava, o tome pismeno izvještava podnositelja zahtjeva za odobrenje specijalizacije, odnosno subspecijalizacije iz člana 14. ovog pravilnika.(2) Glavni mentor i komentor tokom specijalizacije, odnosno subspecijalizacije mogu povući svoju saglasnost o mentorstvu iz objektivnih ili subjektivnih razloga.(3) Odluku iz stava (2) ovog člana glavni mentor i komentor obavezni su, u pisanom obliku, dostaviti podnositelju zahtjeva za odobrenje specijalizacije, odnosno subspecijalizacije iz člana 14. ovog pravilnika, kao i specijalizantu, odnosno subspecijalizantu.(4) Na osnovu odluke iz stava (3) ovog člana imenuje se novi glavni mentor, odnosno komentor sa utvrđenih listi iz st. (6) i (7) člana 5. ovog pravilnika, o čemu se obavještava Ministarstvo.(5) Glavni mentor i komentor za svoj rad po mentorstvu, odnosno komentorstvu dobijaju naknadu od zdravstvene ustanove, odnosno fakulteta zdravstvenog usmjerenja kod kojeg su uposleni u stalnom radnom odnosu.(6) Visina naknade iz stava (5) ovog člana utvrđuje se rješenjem ministra saglasno stavu (2) člana 38. ovog pravilnika.

Član 22.

(Zahtjev za zamjenu glavnog mentora i komentora)

(1) Ukoliko specijalizant, odnosno subspecijalizant nije zadovoljan radom glavnog mentora i komentora može tražiti njihovu zamjenu.(2) Zahtjev za zamjenu iz stava (1) ovog člana specijalizant, odnosno subspecijalizant podnosi ustanovi koja je imenovala glavnog mentora i komentora uz obrazloženje razloga.(3) Ustanova iz stava (2) ovog člana obavještava glavnog mentora i komentora o zahtjevu specijalizanta, odnosno subspecijalizanta iz stava (1) ovog člana, te ostavlja rok od sedam dana za izjašnjenje o razlozima zbog kojih se traži zamjena.(4) Ustanova iz stava (2) ovog člana razmatra podneseni zahtjev, kao i izjašnjenje glavnog mentora i komentora, te ukoliko cijeni opravdanim, donosi rješenje o razrješenju glavnog mentora i komentora, kao i rješenje o imenovanju novog glavnog mentora i komentora, ili rješenje o odbijanju zahtjeva kao neosnovanog.

Član 23.

(Prestanak specijalizacije, odnosno subspecijalizacije)

(1) Specijalizacija, odnosno subspecijalizacija prestaje ako:a) specijalizantu, odnosno subspecijalizantu u toku trajanja specijalizantskog odnosno subspecijalizantskog staža, prestane radni odnos u zdravstvenoj ustanovi, kod nositelja odobrenja za privatnu praksu, na fakultetu zdravstvenog usmjerenja, u nadležnom ministarstvu zdravstva, u državnom, odnosno federalnom ministarstvu, organu državne ili federalne uprave, pravnom licu koje obavlja naučno-istraživačku djelatnost, pravnom licu koje obavlja proizvodnju i promet lijekova i medicinskih sredstava, u zavodu zdravstvenog osiguranja;b) u slučaju prestanka rada privatne prakse, odnosno zdravstvene ustanove po sili zakona za specijalizante, odnosno subspecijalizante kojima je odobrena specijalizacija, odnosno subspecijalizacija kao nositeljima odobrenja za privatnu praksu, ili specijalizantima uposlenim kod nositelja odobrenja za privatnu praksu, odnosno specijalizantima uposlenim u zdravstvenoj ustanovi koja prestaje sa radom;c) saglasno odredbi člana 21. stav (1) ovog pravilnika glavni mentor utvrdi da specijalizant, odnosno subspecijalizant ne izvršava obaveze iz programa specijalizantskog, odnosno subspecijalizantskog staža ili nema sklonosti prema specijalizaciji, odnosno subspecijalizaciji za koju se usavršava.(2) Rješenje o prestanku specijalizacije, odnosno subspecijalizacije donosi ministar na osnovu zahtjeva zdravstvene ustanove, nositelja odobrenja za privatnu praksu, dekana fakulteta zdravstvenog usmjerenja, rukovoditelja nadležnog ministarstva zdravstva, državnog, odnosno federalnog ministarstva, organa državne ili federalne uprave, direktora pravnog lica koje obavlja naučno-istraživačku djelatnost, direktora pravnog lica koje obavlja proizvodnju i promet lijekova i medicinskih sredstava, direktora zavoda zdravstvenog osiguranja.(3) Uz zahtjev iz stava (2) ovog člana prilažu se dokazi kojim se dokazuje postojanje uvjeta iz stava (1) ovog člana.(4) Ukoliko cijeni da podneseni zahtjev iz stava (2) ovog člana nije opravdan i na zakonu zasnovan, ministar donosi rješenje kojim se zahtjev odbija kao neosnovan.(5) Rješenja iz st. (2) i (4) ovog člana su konačna u upravnom postupku i protiv istih se može pokrenuti upravni spor kod nadležnog suda, saglasno propisima o upravnim sporovima.

Član 24. (Specijalistička knjižica)

(1) Specijalizantski, odnosno subspecijalizantski staž i obaveze specijalizanta, odnosno subspecijalizanta u specijalističku knjižicu upisuju glavni mentor i komentori u organizacionim jedinicama zdravstvenih ustanova, odnosno ovlaštenih fakulteta u kojima specijalizant, odnosno subspecijalizant obavlja specijalizantski, odnosno subspecijalizantski staž prema propisanom planu i programu.(2) Obrazac specijalističke knjižice zdravstvenog radnika i zdravstvenog saradnika nalazi se u prilogu ovog pravilnika i čini njegov sastavni dio (**Prilog 5. i Prilog 6.**).(3) Radne obaveze iz stava (1) ovog člana specijalizant obavlja u radnom vremenu, u skladu sa propisima o radu.

Član 25.

(Uvjeti za obavljanje specijalizantskog,odnosno subspecijalizantskog staža u inostranstvu)(1) Cijeli ili dio specijalizantskog, odnosno subspecijalizantskog staža može se obaviti i u inostranstvu, pod uvjetom da program navedenog staža ne odstupa od programa specijalizantskog, odnosno subspecijalizantskog staža utvrđenog za tu vrstu specijalizacije, odnosno subspecijalizacije koja je utvrđena ovim pravilnikom.(2) Odobrenje za obavljanje dijela specijalizantskog, odnosno subspecijalizantskog staža u inostranstvu izdaje ministar u formi rješenja, a na osnovu podnijetog dokumentiranog zahtjeva osobe koja je podnijela zahtjev za odobrenje specijalizacije i subspecijalizacije u smislu člana 14. ovog pravilnika.(3) Uz zahtjev iz stava (2) ovog člana prilaže se:a) saglasnost ovlaštene zdravstvene ustanove, odnosno fakulteta zdravstvenog usmjerenja u inostranstvu, a u kojem će se obaviti cijeli ili dio specijalizantskog, odnosno subspecijalizantskog staža,b) ovjerena izjava specijalizanta, odnosno subspecijalizanta ili podnositelja zahtjeva za odobrenje specijalizacije, odnosno subspecijalizacije iz člana 14. ovog pravilnika, o pokriću svih

troškova obavljanja specijalizantskog, odnosno subspecijalizantskog staža u inostranstvu, kao i smještaja specijalizanta, odnosno subspecijalizanta tokom boravka u inostranstvu,c) rješenje Ministarstva kojim je odobrena specijalizacija, odnosno subspecijalizacija.(4) Ukoliko cijeni da podneseni zahtjev iz st. (2) i (3) ovog člana nije opravdan i na zakonu zasnovan, ministar donosi rješenje kojim se zahtjev odbija kao neosnovan.(5) Rješenja iz st. (2) i (4) ovog člana su konačna u upravnom postupku i protiv istih se može pokrenuti upravni spor kod nadležnog suda, saglasno propisima o upravnim sporovima.(6) U slučaju da je specijalizant, odnosno subspecijalizant obavio cjelokupni ili dio specijalizantskog, odnosno subspecijalizantskog staža u inostranstvu u ispitnu komisiju se može imenovati i stručnjak iz odgovarajuće oblasti iz inostranstva koji ispunjava uvjete za ispitivača saglasno ovom pravilniku.(7) Odredbe st. (1) do (6) ovog člana shodno se primjenjuju i na mogućnost obavljanja specijalizantskog, odnosno subspecijalizantskog staža u zdravstvenim ustanovama u Bosni i Hercegovini, koje nisu na teritoriji Federacije Bosne i Hercegovine.

V. - POLAGANJE SPECIJALISTIČKOG, ODNOSNO SUBSPECIJALISTIČKOG ISPITA

Član 26.

(Specijalistički, odnosno subspecijalistički ispit)

(1) Nakon obavljenog programa specijalizantskog, odnosno subspecijalizantskog staža specijalizant, odnosno subspecijalizant polaže specijalistički, odnosno subspecijalistički ispit.(2) Specijalistički, odnosno subspecijalistički ispit polaže se najkasnije u roku šest mjeseci od završetka specijalizantskog, odnosno subspecijalizantskog staža.

Član 27.

(Zahtjev za polaganje specijalističkog, odnosno subspecijalističkog ispita)

(1) Zahtjev za polaganje specijalističkog, odnosno subspecijalističkog ispita podnosi se Ministarstvu.(2) Zahtjev iz stava (1) ovog člana treba sadržavati sljedeće:a) lični zahtjev specijalizanta, odnosno subspecijalizanta, uključujući pristanak za davanje ličnih podataka;b) zahtjev zdravstvene ustanove, nositelja odobrenja za privatnu praksu, fakulteta zdravstvenog usmjerenja, nadležnog ministarstva zdravlja, državnog, odnosno federalnog ministarstva, organa državne ili federalne uprave, pravnog lica koje obavlja naučno-istraživačku djelatnost, pravnog lica koje obavlja proizvodnju i promet lijekova i medicinskih sredstava, zavoda zdravstvenog osiguranja, a koji su podnijeli zahtjev za odobrenje specijalizacije, odnosno subspecijalizacije u smislu člana 14. ovog pravilnika;c) rješenje o odobrenju specijalizacije, odnosno subspecijalizacije;d) uredno popunjenu specijalističku knjižicu, ie) dokaz o uplati troškova za polaganje specijalističkog, odnosno subspecijalističkog ispita.(3) Obrazac zahtjeva za polaganje specijalističkog, odnosno subspecijalističkog ispita nalazi se u prilogu ovog pravilnika i čini njegov sastavni dio (**Prilog 7.**).

Član 28.

(Odobranje polaganja specijalističkog, odnosno subspecijalističkog ispita)

(1) Ministar na osnovu uredno dokumentiranog zahtjeva iz člana 27. ovog pravilnika, donosi rješenje o odobranju polaganja specijalističkog, odnosno subspecijalističkog ispita ili rješenje kojim se zahtjev odbija kao neosnovan, u roku od 30 dana od dana podnošenja uredno dokumentiranog zahtjeva.(2) Ukoliko je rješenje iz stava (1) ovog člana pozitivno, ministar imenuje predsjednika, članove i sekretara ispitne komisije, te određuje datum i mjesto polaganja specijalističkog, odnosno subspecijalističkog ispita.(3) Predsjednik i članovi ispitne komisije imenuju se sa Liste ispitivača utvrđene saglasno čl. 29. i 30.,

kao i članu 45. ovog pravilnika.(4) Predsjednik, članovi i sekretar ispitne komisije za polaganje specijalističkog, odnosno subspecijalističkog ispita imaju pravo na naknadu čiji iznos se određuje rješenjem ministra u skladu sa stavom (4) člana 39. ovog pravilnika.(5) Rješenje iz stava (1) ovog člana je konačno u upravnom postupku i protiv istog se može pokrenuti upravni spor kod nadležnog suda, saglasno propisima o upravnim sporovima.(6) Rješenje iz stava (1) ovog člana upisuje se u registar odobrenih specijalizacija, odnosno subspecijalizacija, a koji vodi Ministarstvo.

Član 29.

(Lista ispitivača za specijalističke i subspecijalističke ispite za zdravstvene radnike)

(1) Listu ispitivača za specijalističke i subspecijalističke ispite za zdravstvene radnike utvrđuje ministar, na prijedlog zdravstvenih ustanova i fakulteta zdravstvenog usmjerenja koje su ovlaštene za obavljanje specijalizantskog, odnosno subspecijalizantskog staža u smislu člana 9. stav (1) ovog pravilnika.(2) Ispitivači iz stava (1) ovog člana biraju se iz redova nastavnika u naučno-nastavnom zvanju redovnog profesora, vanrednog profesora ili docenta, koji imaju dugogodišnje stručno iskustvo u odgovarajućoj specijalističkoj, odnosno subspecijalističkoj oblasti.(3) Izuzetno, ispitivači iz stava (1) ovog člana mogu biti predloženi i iz reda istaknutih stručnjaka odgovarajuće grane specijalizacije, odnosno subspecijalizacije sa iskustvom od najmanje 20 godina specijalističkog staža, odnosno 10 godina subspecijalističkog staža.(4) Lista ispitivača iz stava (1) ovog člana novelira se svake godine i objavljuje se na internet stranici Ministarstva.

Član 30.

(Lista ispitivača za specijalističke ispite za zdravstvene saradnike)

(1) Listu ispitivača za specijalističke ispite za zdravstvene saradnike utvrđuje ministar, na prijedlog zdravstvenih ustanova i fakulteta zdravstvenog usmjerenja koje su ovlaštene za obavljanje specijalizantskog staža u smislu člana 9. stav (1) ovog pravilnika.(2) Ispitivači iz stava (1) ovog člana biraju se iz redova nastavnika u naučno-nastavnom zvanju redovnog profesora, vanrednog profesora ili docenta, koji imaju dugogodišnje stručno iskustvo u odgovarajućoj specijalističkoj oblasti.(3) Izuzetno, ispitivači iz stava (1) ovog člana mogu biti predloženi i iz reda istaknutih stručnjaka iz grane specijalizacije koja je utvrđena ovim pravilnikom, a sa iskustvom od najmanje pet godina staža u toj grani specijalizacije.(4) Lista ispitivača iz stava (1) ovog člana novelira se svake godine i objavljuje se na internet stranici Ministarstva.

Član 31.

(Polaganje specijalističkog, odnosno subspecijalističkog ispita)

(1) Specijalistički, odnosno subspecijalistički ispit polaže se u ovlaštenoj zdravstvenoj ustanovi, odnosno fakultetu zdravstvenog usmjerenja iz člana 9. stav (1) ovog pravilnika.(2) Specijalistički, odnosno subspecijalistički ispit iz stava (1) ovog člana sastoji se iz teoretskog i praktičnog dijela.

Član 32.

(Polaganje specijalističkog, odnosno subspecijalističkog ispita)

(1) Izuzetno od člana 31. ovog pravilnika, ukoliko je cijeli specijalistički, odnosno subspecijalistički staž obavljen u inostranstvu saglasno odredbama ovog pravilnika, Ministarstvo može na zahtjev podnosioca zahtjeva za polaganje specijalističkog odnosno subspecijalističkog ispita, kao i saglasnosti nadležnog ministarstva zdravstva u zemlji u kojoj je obavljen cijeli specijalistički, odnosno subspecijalistički staž, odobriti polaganje specijalističkog, odnosno subspecijalističkog ispita pred nadležnim ministarstvom u inostranstvu.(2) Zahtjev iz stava (1) ovog člana treba sadržavati sljedeće:a) lični zahtjev specijalizanta, odnosno subspecijalizanta,b) zahtjev zdravstvene ustanove, nositelja odobrenja za privatnu praksu,

fakulteta zdravstvenog usmjerenja, nadležnog ministarstva zdravstva, državnog, odnosno federalnog ministarstva, organa državne ili federalne uprave, pravnog lica koje obavlja naučno-istraživačku djelatnost, pravnog lica koje obavlja proizvodnju i promet lijekova i medicinskih sredstava, zavoda zdravstvenog osiguranja, a koji su podnijeli zahtjev za odobrenje specijalizacije, odnosno subspecijalizacije u smislu člana 14. ovog pravilnika,c) rješenje o odobrenju specijalizacije, odnosno subspecijalizacije,d) rješenje o odobrenju za obavljanje cijelog specijalizantskog, odnosno subspecijalizantskog staža u inostranstvu saglasno članu 25. ovog pravilnika,e) uredno popunjenu specijalističku knjižicu,f) saglasnost nadležnog ministarstva zdravstva u inostranstvu pred kojim se polaže specijalistički, odnosno subspecijalistički staž.(3) Na osnovu podnijetog dokumentiranog zahtjeva iz st. (1) i (2) ovog člana, a po provedenom postupku, ministar donosi rješenje kojim odobrava polaganje specijalističkog, odnosno subspecijalističkog ispita pred nadležnim ministarstvom u inostranstvu ili rješenje kojim se zahtjev odbija kao neosnovan.(4) Rješenje donijeto u smislu stava (3) ovog člana je konačno u upravnom postupku i protiv istog se može pokrenuti upravni spor saglasno propisima o upravnim sporovima.(5) Nakon položenog specijalističkog, odnosno subspecijalističkog ispita u inostranstvu saglasno st. (3) i (4) ovog člana, obaveza je specijalizanta, odnosno subspecijalizanta da Ministarstvu dostavi kopiju uvjerenja o položenom specijalističkom odnosno subspecijalističkom ispitu u inostranstvu radi upisa u registar o položenim specijalističkim, odnosno subspecijalističkim ispitima kojeg vodi Ministarstvo.(6) Odredbe st. (1) do (5) ovog člana shodno se primjenjuju i na mogućnost polaganja specijalističkog, odnosno subspecijalističkog ispita pred nadležnim ministarstvom zdravstva u drugom entitetu.

Član 33.

(Ocjena kandidata i zapisnik o ispitu)

(1) Opći uspjeh kandidata na specijalističkom, odnosno subspecijalističkom ispitu ocjenjuje se sa "položio" ili "nije položio".(2) Ocjena iz stava (1) ovog člana donosi se većinom glasova članova ispitne komisije i upisuje se, uz pitanja, u zapisnik o polaganju specijalističkog, odnosno subspecijalističkog ispita.(3) Obrazac zapisnika iz stava (2) ovog člana nalazi se u prilogu ovog pravilnika i čini njegov sastavni dio (**Prilog 8.**).

Član 34.

(Uvjerenje o položenom specijalističkom, odnosno subspecijalističkom ispitu)

(1) Po završetku specijalističkog, odnosno subspecijalističkog ispita, sekretar ispitne komisije dužan je zapisnik sa cjelokupnom dokumentacijom dostaviti Ministarstvu.(2) Kandidatu koji je položio specijalistički, odnosno subspecijalistički ispit, izdaje se uvjerenje o položenom specijalističkom, odnosno subspecijalističkom ispitu i isto upisuje u registar o položenim specijalističkim, odnosno subspecijalističkim ispitima kojeg vodi Ministarstvo.(3) Obrazac uvjerenja iz stava (2) ovog člana nalazi se u prilogu ovog pravilnika i čini njegov sastavni dio (**Prilog 9.**).

Član 35.

(Ponavljanje specijalističkog, odnosno subspecijalističkog ispita)

(1) Kandidat koji nije položio specijalistički, odnosno subspecijalistički ispit prvi put, može ga ponoviti u roku koji zapisnički utvrdi ispitna komisija, a koji ne može biti kraći od 30 dana, niti duži od 90 dana od dana polaganja ispita.(2) Ako kandidat ne položi ispit drugi put, može ga još jednom ponoviti kroz daljih 90 dana.(3) Ako niti nakon ponovljenog roka iz stava (2) ovog člana, kandidat ne položi ispit, upućuje se na ponovno obavljanje specijalizantskog, odnosno subspecijalizantskog staža u trajanju koje odredi ispitna komisija, a koje ne može biti kraće od 90 dana.(4) Troškove dodatnog specijalizantskog, odnosno subspecijalizantskog staža iz stava (3) ovog člana snosi podnositelj zahtjeva za odobrenje specijalizacije iz člana 12. ovog pravilnika, odnosno kandidat.(5) Ako kandidat ne pristupi polaganju specijalističkog,

odnosno subspecijalističkog ispita ili odustane od započetog ispita bez opravdanog razloga, smatra se da ispit taj put nije položio i mora ga ponoviti u roku koji odredi ispitna komisija, a koji ne smije biti duži od 90 dana.(6) Troškove ponavljanja specijalističkog, odnosno subspecijalističkog ispita iz stava (5) ovog člana snosi sam kandidat.

Član 36.

(Dodjela naziva specijaliste, odnosno subspecijaliste)

Po položenom specijalističkom, odnosno subspecijalističkom ispitu stiče se naziv specijaliste, odnosno subspecijaliste određene grane medicine, stomatologije, farmacije, odnosno medicinske biohemije, odnosno specijaliste određenog specijalističkog usmjerenja za zdravstvene saradnike.

Član 37.

(Evaluacija)

(1) Zdravstvena ustanova, odnosno fakultet zdravstvenog usmjerenja, odnosno druge institucije/organizacije koje su ovlaštene za obavljanje cjelovitog programa ili dijela programa specijalizantskog, odnosno subspecijalizantskog staža, u kojima se obavlja staž (u daljem tekstu: ovlaštene ustanove), dužne su jednom godišnje evaluirati obavljanje specijalizantskog, odnosno subspecijalizantskog staža, za onaj dio specijalizacije, odnosno subspecijalizacije za koji imaju odobrenje iz stava (1) člana 9. ovog pravilnika.(2) Evaluacija iz stava (1) ovog člana podrazumijeva i evaluaciju rada glavnog mentora i komentora, koja se odnosi na saradnju specijalizanta, odnosno subspecijalizanta sa glavnim mentorom i komentorom.(3) Metodologiju evaluacije iz st. (1) i (2) ovog člana utvrđuje ovlaštena ustanova iz stava (1) ovog člana u kojoj se obavlja specijalizantski, odnosno subspecijalizantski staž i minimalno sadržava:a) evaluaciju uvjeta propisanih pojedinim programima specijalizacija i subspecijalizacija ib) ocjenu glavnog mentora i komentora.(4) Evaluacija iz ovog člana dostavlja se Ministarstvu do 31.01. naredne godine za prethodnu kalendarsku godinu, te ista služi u svrhu praćenja obaveza ovlaštenih ustanova, kao i rada mentora i komentora.

VI. - TROŠKOVI OBAVLJANJA SPECIJALIZANTSKOG, ODNOSNO SUBSPECIJALIZANTSKOG STAŽA I POLAGANJA SPECIJALISTIČKOG, ODNOSNO SUBSPECIJALISTIČKOG ISPITA

Član 38.

(Troškovi obavljanja specijalizantskog, odnosno subspecijalizantskog staža)

(1) Troškovi obavljanja specijalizantskog, odnosno subspecijalizantskog staža, u smislu ovog pravilnika, obuhvataju:b) naknadu za rad glavnog mentora ic) naknadu za rad komentora.(2) Visina naknade za rad glavnog mentora i komentora iz stava (1) ovog člana utvrđuje se rješenjem ministra.(3) Troškove obavljanja specijalizacije, odnosno subspecijalizacije u pogledu naknade za rad glavnog mentora i komentora snosi podnositelj zahtjeva za odobrenje specijalizacije, odnosno subspecijalizacije iz člana 14. ovog pravilnika.(4) Podnositelj zahtjeva za odobrenje specijalizacije, odnosno subspecijalizacije transferira sredstva na ime troškova iz stava (3) ovog člana ovlaštenoj ustanovi u kojoj se obavlja specijalizantski, odnosno subspecijalizantski staž, a koja je dužna izvršiti uplatu naknade za rad glavnom mentoru i komentoru za svakog pojedinog specijalizanta, odnosno subspecijalizanta.

Član 39.

(Troškovi polaganja specijalističkog, odnosno subspecijalističkog ispita)

(1) Troškovi polaganja specijalističkog, odnosno subspecijalističkog ispita utvrđuju se rješenjem ministra.(2) Troškove iz stava (1) ovog člana snosi podnositelj zahtjeva za odobrenje specijalizacije, odnosno subspecijalizacije iz člana 12. ovog pravilnika.(3) Dio troškova iz stava (1) ovog člana koristi se za plaćanje naknade za rad ispitne komisije i sekretara komisije iz člana 28. ovog pravilnika.(4) Posebnim rješenjem ministra utvrđuju se iznosi naknade za rad predsjednika, članova i sekretara ispitne komisije.

VII. - PRELAZNE I ZAVRŠNE ODREDBE

Član 40.

(Usklađivanje organizacije i poslovanja)

(1) Zdravstvene ustanove, odnosno fakulteti zdravstvenog usmjerenja, kojima je odobreno obavljanje specijalizantskog, odnosno subspecijalizantskog staža na osnovu ranijih propisa koji su važili prije stupanja na snagu ovog pravilnika, dužni su uskladiti svoju organizaciju i poslovanje sa odredbama ovog pravilnika, u roku od 12 mjeseci od dana stupanja na snagu pravilnika.(2) Do isteka roka iz stava (1) ovog člana, ostaju na snazi rješenja o odobrenju obavljanja specijalizantskog, odnosno subspecijalizantskog staža zdravstvenim ustanovama, odnosno fakultetima zdravstvenog usmjerenja izdata na osnovu ranijih propisa koji su važili prije stupanja na snagu ovog pravilnika.

Član 41.

(Specijalizacija, odnosno subspecijalizacija odobrena po ranije važećim propisima)

(1) Specijalizant, odnosno subspecijalizant kojem je odobrena specijalizacija, odnosno subspecijalizacija saglasno propisima koji su važili prije stupanja na snagu ovog pravilnika, može, ukoliko je to za njega povoljnije, nastaviti obavljanje specijalizantskog, odnosno subspecijalizantskog staža saglasno odredbama ovog pravilnika.(2) Specijalizant, odnosno subspecijalizant kojem je odobrena specijalizacija, odnosno subspecijalizacija na osnovu sudjelovanja u provođenju razvojnih projekata saglasno ranijim propisima iz ove oblasti, zadržava pravo da u tom statusu okonča započetu specijalizaciju, odnosno subspecijalizaciju.(3) Na osnovu podnijetog dokumentiranog zahtjeva specijalizanta, odobrenje za obavljanje specijalizantskog, odnosno subspecijalizantskog staža po odredbama ovog pravilnika, a u smislu stava (1) ovog člana, rješenjem odobrava ministar.(4) Rješenje iz stava (3) ovog člana je konačno u upravnom postupku i protiv istog se može pokrenuti upravni spor kod nadležnog suda, saglasno propisima o upravnim sporovima.(5) Ukoliko specijalizant ne iskoristi mogućnost iz stava (1) ovog člana, rješenje o odobrenju specijalizacije, odnosno subspecijalizacije, izdato na osnovu ranijih propisa koji su važili prije stupanja na snagu ovog pravilnika, ostaje na snazi.(6) Specijalizantu kojem je odobrena specijalizacija saglasno propisima koji su važili prije stupanja na snagu ovog pravilnika, može se, ukoliko je to za njega povoljnije, priznati dio specijalizantskog staža, najviše šest mjeseci, u skladu sa izuzećem utvrđenim u članu 17. st. (4) do (9) ovog pravilnika.

Član 42.

(Zadržavanje stečenih prava)

Zdravstveni radnici koji su stekli status subspecijaliste na osnovu odredbi o priznavanju postdiplomskog studija u subspecijalizaciju, a saglasno ranijim propisima iz ove oblasti, zadržavaju sva prava stečena po tom osnovu.

Član 43.

(Izuzeci od uvjeta za glavne mentore)

(1) Do sticanja uvjeta iz stava (2) člana 5. ovog pravilnika, a za specijalizacije zdravstvenih radnika koje su utvrđene planovima i programima Pravilnika o specijalizacijama i subspecijalizacijama doktora medicine, doktora stomatologije, magistara farmacije i inženjera medicinske biohemije ("Službene novine Federacije BiH", br. 62/15 i 26/19), za glavnog mentora može se imenovati subspecijalista sa subspecijalizacijom iz iste grane za koju se specijalizant obrazuje, pet godina staža iz te subspecijalizacije i da ima nastavno zvanje ili zvanje magistra nauka ili doktora nauka.(2) Izuzetno od stava (3) člana 5. ovog pravilnika, u periodu od 48 mjeseci od dana stupanja na snagu ovog pravilnika, glavni mentor za:a) specijalizaciju iz kliničke psihologije zdravstvenom saradniku - psihologu, može biti doktor medicine, specijalista psihijatar, koji je ujedno odgovorna osoba (šef) klinike za psihijatriju zdravstvene ustanove koja je ovlaštena za obavljanje specijalističkog staža u smislu člana 9. stav (1) ovog pravilnika,b) specijalizaciju iz medicinske fizike zdravstvenim saradniku - fizičaru, može biti i specijalista medicinske fizike kojem je priznata specijalizacija iz medicinske fizike saglasno Pravilniku o zaštiti od ionizirajućeg zračenja kod medicinske ekspozicije ("Službeni glasnik BiH", broj 13/11), odnosno Pravilniku o uvjetima i načinu priznavanja specijalističkog, odnosno subspecijalističkog staža, kao i načinu priznavanja specijalističkog, odnosno subspecijalističkog ispita obavljenog i položenog u inostranstvu ("Službene novine Federacije BiH", broj 70/12), te radnim iskustvom u zvanju specijaliste u trajanju od tri godine.

Član 44.

(Izuzeci od uvjeta za komentore)

Izuzetno od stava (5) člana 5. ovog pravilnika, u periodu od 48 mjeseci od dana stupanja na snagu ovog pravilnika, komentor za:a) specijalizaciju iz kliničke psihologije zdravstvenom saradniku - psihologu, može biti zdravstveni saradnik - psiholog sa tri godine radnog iskustva i završenom specijalizacijom iz kliničke psihologije u inostranstvu koja je priznata rješenjem ministra saglasno Pravilniku o uvjetima i načinu priznavanja specijalističkog, odnosno subspecijalističkog staža, kao i načinu priznavanja specijalističkog, odnosno subspecijalističkog ispita obavljenog i položenog u inostranstvu,b) specijalizaciju iz medicinske fizike zdravstvenom saradniku - fizičaru, može biti i specijalista medicinske fizike kojem je priznata specijalizacije iz medicinske fizike saglasno Pravilniku o zaštiti od ionizirajućeg zračenja kod medicinske ekspozicije, odnosno Pravilniku o uvjetima i načinu priznavanja specijalističkog, odnosno subspecijalističkog staža, kao i načinu priznavanja specijalističkog, odnosno subspecijalističkog ispita obavljenog i položenog u inostranstvu, te radnim iskustvom u zvanju specijaliste u trajanju od tri godine.

Član 45.

(Lista ispitivača za specijalističke ispite za zdravstvene saradnike za prelazni period)

Izuzetno od st. (2) i (3) člana 30. ovog pravilnika, u periodu od 48 mjeseci od dana stupanja na snagu ovog pravilnika, na Listu ispitivača za specijalističke ispite za zdravstvene saradnike u stručnom zvanju: psihologa i inženjera fizike, mogu biti predloženi i doktori medicine, odnosno istaknuti stručnjaci odgovarajuće grane specijalizacije, sa najmanje pet godina specijalističkog staža, odnosno zdravstveni saradnici sa tri godine radnog iskustva u struci kojima je priznata specijalizacija iz inostranstva saglasno Pravilniku o uvjetima i načinu priznavanja specijalističkog, odnosno subspecijalističkog staža, kao i načinu priznavanja specijalističkog, odnosno subspecijalističkog ispita obavljenog i položenog u inostranstvu, odnosno priznata specijalizacija saglasno Pravilniku o zaštiti od ionizirajućeg zračenja kod medicinske ekspozicije.

Član 46.

(Zahtjevi podneseni prije stupanja na snagu ovog pravilnika)

Zahtjevi podneseni ovom ministarstvu prije stupanja na snagu ovog pravilnika riješit će se u skladu sa odredbama propisa koji su važili prije stupanja na snagu ovog pravilnika.

Član 47.
(Rokovi za utvrđivanje Liste glavnih mentora i Liste ispitivača)

(1) Liste glavnih mentora i komentora za zdravstvene radnike i zdravstvene saradnike u smislu st. (6) i (7) člana 5. ovog pravilnika, utvrdit će se saglasno članu 5., kao i čl. 43. i 44. ovog pravilnika, u roku od 18 mjeseci od dana stupanja na snagu ovog pravilnika.(2) Liste ispitivača za specijalističke, odnosno subspecijalističke ispите za zdravstvene radnike, u skladu sa odredbama ovog pravilnika utvrdit će se saglasno članu 29. ovog pravilnika, u roku od 18 mjeseci od dana stupanja na snagu ovog pravilnika.(3) Lista ispitivača za specijalističke ispите za zdravstvene saradnike utvrdit će se saglasno članu 30., a u vezi sa članom 45. ovog pravilnika, u roku od 24 mjeseca od dana stupanja na snagu ovog pravilnika.(4) Do donošenja Liste glavnih mentora i komentora za zdravstvene radnike, kao i liste ispitivača za specijalističke, odnosno subspecijalističke ispите za zdravstvene radnike, primjenjivat će se liste donijete u skladu sa ranijim propisom koji je bio na snazi prije donošenja ovog pravilnika.

Član 48.
(Prestanak važenja)

Danom stupanja na snagu ovog pravilnika prestaje da važi Pravilnik o specijalizacijama i subspecijalizacijama doktora medicine, doktora stomatologije, magistara farmacije i inženjera medicinske biohemije ("Službene novine Federacije BiH", br. 62/15 i 26/19).

Član 49.
(Stupanje na snagu)

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Pravilnik

Fed. ministarstvo zdravstva